

فيديو # ٣٦ من مقاطع حظر التجول | تدبر سورة طه # ٥ | الآيات

٦٣-٤

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ثلاثة وستين. من مقاطع حظر التجول والمقطع الخامس من مقاطع تدبر سورة طه آآ احب افker حضراتكم بالمصاحف. بسرعة اللي ما عهوش مصحف يجيب مصحف - 00:00:00

امبارح اه تدبرنا ايات سيدنا موسى طلب فيها من ربنا اسباب مادية ونفسية تجعله قادر على القيام بالمهمة فدائية التي كلف بها وهي مواجهة فرعون وهو اكبر طاغية في الارض وحاكم اقوى واغنى دولة في هذا الوقت - 00:00:21

طلب منه اقرعوا معي آآ من اول الاية خمسة وعشرين نفتح سورة طه من اول الاية خمسة وعشرين قال رب اعوذ بالله السميع العليم من الشيطان الرجيم. قال رب اشرح لي صدري. ويسر لي امري. واحلل عقدة - 00:00:47

من لساني يفقه قوله واجعل لي وزيرا من اهلي هارون اخي. اشدد به ازري واسركه في امري فجاءه الرد على هذه الطلبات في الاية ستة وتلاتين. انا بفكركم باللي قلناه قبل كده - 00:01:04

قال قد اوتيت سؤلك يا موسى. طلباتك اجييت خلاص مش ستؤتي سؤلك يا موسى لا اجييت خلاص يعني اعتبرها تمت. قال قد اوتيت سؤلك يا موسى وبعدين هو انت اصلا طلبت ايه غير الرعاية الالهية اللي هي معك طول عمرك من وانت صغير من وانت اول ما اتولدت - 00:01:24

انت طلبت رعاية الالهية حتى تنجو حتى تنجح في مهمتك هو ده الوضع اصلا من زمان يا موسى. من يوم ما انت اتولدت وعانياة ربنا بترعاك يقرأ معي الاية سبعة وتلاتين. ولقد منا عليك مرة اخرى - 00:01:54

استجابة ربنا للطلبات الجديدة دي ده كده ربنا بيمن عليه مرة اخرى المرة الاولانية اذ اوحيانا الى امك ما يوحى ربنا بيقول له انا اللي اوحيت لامك طبعا مسألة ان الله اوحي لام موسى بيدخلنا في مسألة - 00:02:10

مسألة هل ام موسى نبيه ام لا؟ جمهور العلماء على انه لا يوجد نبيات بين النساء بينما هناك علماء وفقهاء اخرين كبار ان هناك نبيات مثل السيدة مريم. فقد كلمتها الملائكة - 00:02:33

واذ قالت الملائكة يا مريم ان الله اصطفاك وظهرك واصطفاك على نساء العالمين. ازا ده وحي عن طريق الملائكة يا مريم قلتني لربك واسجدي واركعي مع الراکعين. وده يجعل منها نبيا اذا تلقت الوحي الجليل - 00:02:53

من الله الوحي الجلي يعني وحي عن طريق الملاك مش وحي الالهام. لأن ربنا ممكن يلهم حيوانات. واوحي ربك الى النحل ان اتخذني من الجبال بيotta. ولا وحي من ام وربنا ممكن يوحي الى كافر زي آآ آآ المنام اللي جه للملك - 00:03:13

في قصة يوسف انه رأى سبع بقرات سمان يأكلهن سبع حجات ام موسى تلقت وحي ولم يقل لنا كيف تلقت الوحي. لزلك هي مختلف عليها مسألة انها نبيه ام لا - 00:03:33

آآ يعني حتى من يرون ان من النساء نبيات مختلف على ام موسى ان هم مش قادرین يقولوا انها تلقت الوحي عن طريق الملك وبيعتبروا ان وحي المنام ممكن يبجي لناس تانية. ولكن ولكن - 00:03:49

ابن حزم لما اتكلم في المسألة دي قال طب ما هو سيدنا ابراهيم والانبياء بيتلقو الوحي ايضا في المنام يذبح ابنه اسماعيل لما رأى ذلك في المنام لانه يعلم. خلوا بالكم بقى - 00:04:06

ان مناماته وحي من الله ما فيش ام في الدنيا هتفقوم تدبح ابنها لأنها شافت نفسها بتعمل كده في المنام. الا اذا كانت تعلم ان مناماتها وحي من الله. لزلك بابداء - 00:04:20

تدل الشيخ او الامام آآ ابن حزم الظاهري على نبوة ام موسى طبعا في كلام في نبوة سيدات اخرى كتير زي مسلا آآ السيدة سارة والسيدة هاجر. السيدة سارة واضح جدا واحنا درسناها في - 00:04:36

آآ اللي فاتت ان آآ الملائكة بشرتها باسحاق. فبشرناها باسحاق. عن طريق الملائكة. اذا الذين تلقت وحي جلية ايضا اه في كلام في ام في آآ في زوجة فرعون ايضا - 00:04:53

طيب عموما انا يعني عشان خاطر نقطع الكلام في الموضوع ده ما فيش ناس تقدع تتخانق عليه وبنقى امين معكم الجمهور على ان ما فيش نساء نبيات. وهاقول لكم دليلهم ايه - 00:05:09

وهناك القلة من العلماء ومن الفقهاء اللي قالوا ان هناك نساء نبيات. الجمهور يروا ان الاية الكريمة وما ارسلنا قبلك الا رجالا نوحى اليهم. ودي كانت تلات مرات بنفس الصيغة دية. فيه وما ارسلنا من قبلك الا رجالا نوح - 00:05:25
اليهم فاسألاوا اهل الذكر ان كتمت لا تعلمون قال لك ما دام ربنا بيقول ما ارسلنا قبلك الا رجالا نوحى اليهم. ده دليل ان ما فيش نبيات. لأن دليل مش صحيح. ليه بقى - 00:05:44

لان ربنا ما بيقولش ما نبأنا قبلك الا رجالا. قال ما ارسلنا قبلك الا رجال. ارسل روسلا بر رسالة نبأ نبأنا بنبوة خلي بالكم النبي غلي الرسول كل رسولنبي ومش كلنبي رسول - 00:05:59

اي رسول في الدنيا هونبي ايضا ولكن كثير من الانبياء لم يصبحوا رسلا القصة دي بقت طويلة وفيها كلام كتير وايه الفرق بين الرسول والنبي ؟ الرسول اخد رسالة وطلب منه يروح يبلغ الرسالة لقومه - 00:06:22

معينين. اما النبي زي العالم كده عنده علم قاعد الناس بتيجي تسأله مش مطلوب منه لم يكلف بابلاغ الرسالة لقوم معينين آآ احنا بنتكلم في نبوة مش بنتكلم في الرسالة. طب ليه ربنا ما ارسلش رسل آآ سيدات عشان ده كان دي دي مهمة فيها بقى آآ - 00:06:41
فيها اعتداء وفيها آآ مشاكل فيزيكال بقى. يعني احنا شفنا الرسول عليه الصلاة والسلام اعتدوا عليه وضربوه وحطوا لحم الجذور. حطوا السقط بتاع الجذور يعني لما بيذبحوا الابل بينزل من بطئها وساخة ومصارين وبتاع حطوها على ضهره وهو ساجد - 00:07:05

لغاية ما اغمى عليه فقد الوعي والسيدة فاطمة جت شال الدم عليه فربنا ما بيعرضش النساء لهذه المسائل ابدا. دي ممكن تخش في اكتر من كده. في في انبياء ذبحوا - 00:07:25

يعني على فكرة يعني. فربنا مش هيعرض النساء لهذه المسألة. ابدا وانا ارى ذلك. يعني انا اميل للرأي ان هناك نبيات. واري ان ادله قوية عموما فصل المقال عشان بس نخلص ما فيش داعي تقدع تتخانق. الجمهور لا يرى ان هناك نساء نبيات والقلة ومنهم ابن حزم الظاهري - 00:07:37

ترى ان هناك عدة نبيات وليس فقط آآ ام موسى وام السيد المسيح طيب ولقد مننا عليك مرة اخرى. ارجع بص معي تاني في الاية سبعة وتلاتين اذ اوحيانا الى امك ما يوحى. كالعادة من صغرك ربنا بيمن عليك بالرعاية والعنابة. فهو الذي اوحى لامك - 00:07:57
بالتالي او حالها ايه بقى ؟ اقرا معي تسعه وتلاتين فيه في التابوت فاقذفيه في اليم فليلقه اليم بالساحل يأخذه. عدو لي وعدو له القيت عليك محبة مني ولتصنع على عيني - 00:08:22

لفت نظري كلمة اقذفيه جت مرتين اقذفيه في التابوت فاقذفيه في اليم. وبعد كده فليلقه اليم بالساحل. ايه كمية القذف والالقاء دي يأخذه بعد كده عدو لي وعدو اأ ده انت تحس ان سيدنا موسى ضاع خلاص. ده ده اتقذف مرتين القى في اليم يعني كلمة يم يعني - 00:08:43

البحر على فكرة بالعبري. فالقى في في البحر والقى في النهر الكبير. ها فليلقه اليم بالساحل وبعد كده يأخذه عدو لي عدو لربنا يعني انسان مجرم كافر مجرم في اجرامه وعدو له وعدو - 00:09:08

اسرائيل كمان وعدو لموسى كمان يريد ان يدبحه تحس ان خلاص ضاع سيدنا موسى. طب ايه اللي انقذه والقيت عليك محبة مني ولتصنع على عيني. ياه! على الاية اللي مرة واحدة راحت قالبة - 00:09:23

الى سلام بعد ما الاية كانت بتوريك مشهد من العنف جاي انت متوقع عنف متوقع ان ان سيدنا موسى الطفل ده هيدبح دلوقتي اتقلبت الاية مرة واحدة الى سلام بحث. بص - 00:09:39

ان اقذفيه في التابوت فاقذفيه في اليم فليلقه اليم بالساحل. يأخذه عدو لي وعدو له. والقيت عليك محبة مني ولتصنع على عيني قرآن بيشيل الواحد ويحطقه. انا بحس اني بتترجح مش مش بقرأ قرآن. مش ممكن. يشيلك ويحطقك - 00:09:58

ارميه في صندوق وارميه في النهر والنهر هيرميه على الشاطئ واللي هيأخذه عدو لله فرعون رأس الكفر ورأس الظلم ورأس الاضطهاد اللي انت اصلا خايفه عليه منه انا هوديه عنده كمان. اكتر من كده ايه بقى - 00:10:23

بعد كل ده ينقد سيدنا موسى والقيت عليك محبة مني كل المخاطر دي زالت بعنابة ربنا كان سيدبح زي اطفالبني اسرائيل في السنة دي وكان سيفرق وده وضع طبيعي لرضيع بيلقى في نهر النيل ده نهر كبير جدا وعربيض جدا وياما ناس غرفت فيه ده ده - 00:10:39

في مراكب بسياح بتغرق في نهر النيل والسياح بيغرقوا بيموتوا. يعني احنا بنتكلم على نهر كبير ضخم وكلمة يم بالعبري يعني بحر عليك الفلاحين احنا في الفلاحين عندنا راح على البحر. البحر ده مجرد آآ يعني آآ فرع كده من من النيل مسلا فرع رشيد او فرع آآ الله - 00:11:06

آآ اسمه ايه الفرع الثاني المهم يعني الفرع بس من النيل بيتقابل عليه بحر عندنا في في الفلاحين آآ طيب ازا كان ممكن يغرق وكان ممكن يقتل وكمان انتقدوه حرس فرعون وعارفين ان هو منبني اسرائيل عارفين ازا ده بببي صغير ايوة بس مختون - 00:11:30

فممكنا جدا يقوم باين ان هو منبني اسرائيل. هم اللي بيختنوا الاطفال. فرع دمياط. ماشي يا عم. شكرنا كل هذه المخاطر زالت والقيت عليك محبة مني اتحدى يكون في حد مننا ما بيحبش سيدنا موسى - 00:11:56

انا عايز اشوف حد ما بيحبش سيدنا موسى. كلنا بنحبه حتى اكتر من انباء اخرين يعني مسلا انا حبي لسيدنا موسى اكبر من حبي لسيدنا يعقوب اكبر من حبي لسيدنا صالح. اكبر من حبي لسيدنا هود. ليه ما اعرفش - 00:12:15

ما اعرفش سيدنا موسى بالنسبة لي مختلف عنهم. مع انه يعني اه مش النبي المباشر بتاعنا. زي سيدنا محمد عليه الصلاة والسلام ما احناس بندرس السنة بتاعته ولا عندنا الاحاديث بتاعته. طب ايه اللي خلانا نحبه اووي كده - 00:12:30

غربيبة شوية ها وبعديننبي بنى اسرائيل يعني تحس ان يعني في ممكنا حاجز يعني مكتنس سيدنا صالح اقرب لنا سيدنا هود اقرب لنا عشان مش من ابائنا لا ابدا - 00:12:46

والقيت عليك محبة مني يعني المهم وقع في قلب امرأة فرعون لما شافته بببي صغير كده وقالت شف سورة القصص وقالت امرأة فرعون قرة عين لي ولك لا تقتلوه عسى ان ينفعنا او - 00:12:57

اتخذه ولدا امرأة فرعون زي ما قلنا ايضا من النساء اللي يرى ابن حزم انهن آآ نبيات المهم انه بالحب ربنا حفظ سيدنا موسى. وايه كمان بقى؟ ولتصنع على عيني - 00:13:18

تم تربية سيدنا موسى؟ لأ تربية مين؟ تم صناعته ولتصنع على عيني اتصنع صناعة تحت عين ربنا على عيني يعني باشراف ربنا قال لامك ترميك في البحر. وما تخافش عليك - 00:13:32

وقال لامك آآ آآ انا هارجعه لي تاني. اكتر من كده ايه كمل بقى معي الاية اربعين. اذ تمشي اختك فتقول هل ادلكم على من يكفله رجعناك الى امك كي تقر عينها ولا تحزن - 00:13:54

وقتلت نفسها فنجيناك من الغم وفتناك فتنا سنين في اهل مدينة ثم جنت على قدرى يا موسى اختك فضل ماشية وتبعك بعينيها وانت في النهر لغاية ما شافتكم بيلتقطوك الحرس بتوع فرعون - 00:14:16

وشافتوك وتتبعت دنيتك بترفض المراضع. الستات اللي هترضع فقالت لهم تحبوا ادلكم على امرأة تتولى؟ فبالطريقة دي رجعت لامك يا موسى. ربنا بيحكي لسيدنا موسى خلي بالك حكايته وهو صغير - [00:14:43](#)
لان بالطريقة دي القصة بتاعة سيدنا موسى زي ما قلنا بدأت من النص بدأت منين؟ مش من اول ما اتولد لأن. بدأت في سورة طه من اول وهو راجع من عند سيدنا شعيب بابنة سيدنا شعيب زوجته. شاف نار وبدأت بالنبوة. بدأت ببداية النبوة - [00:14:59](#)
وبعدين فلاش باك في القصة للمشهد بتاعه وهو رضيع وبيلقي في النهر عن طريق القرآن بيحكيه ربنا بيحكي لسيدنا موسى الحكاية فانت بتجي لك الحكاية فلاش باك دلوقتي المهم رجع دلوقتي ايه لامه - [00:15:19](#)
فيامر من قلب قصر فرعون رجع لامه اللي هو الامر صدر من نفس المكان ده بقتل اطفال بنى اسرائيل. يعني هو المفروض كان سيدنا موسى يقتل بامر من قلب قصر فرعون ثم بامر من قصر فرعون بيقول عاد الى امه وبطريقة قانونية هي دلوقتي لا تخاف عليه - [00:15:43](#)

عنيي عينك قدام الحكومة رجعت رجعتك تعيش مع امك يا موسى. مش ممكن الكلام الحقيقة قعد فترة الرضاعة مع امه وبعدها رجع بقى على قصف فرعون وكمبر في قصر فرعون - [00:16:09](#)
وبعدها قتلت واحد. مم. وقتلت نفسها فنجيناك من الغم. كان هيبقى غم. وقتلت نفس. ومصر بلد فيها قانون في الوقت ده. فطبعا بقى فيه محاكمة وفيه سجن وفيه ممكן يعدم كمان - [00:16:25](#)
واضح ان البلد ما كتش بايظة ما كتش هايصة لانه ده يعني متربى في قصر فرعون بس مش من حقه يقتل حد آآ طبعا القصة احنا هناخدتها بعدين في سورة القصص اللي هو لما دخل لقى واحد اسرائيلي آآ واحد تاني مصري بيضطهده وبيضرره فييدافع عنه - [00:16:41](#)

غصب عنه يزهار اتزق زقة جامدة شوية وسيدنا موسى كان قوي. الرجل وقع يبدو ايه وراسه جت في حاجة. المهم الرجل مات سيدنا موسى ما كانش يقصد انه يقتله اه وبعدها قتلت واحد وكان ممكن تتعاقب لكنني نجيتك منهم. نجيتك من الغم. نجيتك من العقوبة. وفتناك فتناك. فيه حديث طويل في ابن كثير - [00:16:58](#)
اسمه حديث الفتون عن كم الفتنة والاختبارات اللي مر فيها سيدنا موسى و منها ان هو اضطر يهرب وقعد سنين في اهل مدين بعد ما يتزوج بنت سيدنا شعيب طبعا قصة زواج وهنائيه بس هي مش جاية في سورة طه. هتتجي بعدين. في آآ سورة اخرى - [00:17:21](#)

وادي امتى؟ هنا جيت دلوقتي بقدر من ربنا. ثم جئت على قدرى يا موسى. فتحس ان القرآن راح ملففك وجايبيك تاني في اللحظة اللي ابتدينا منها. يعني احنا ابتدينا في سورة طه من اول ما هو شاف النار وبعد كده ببداية النبوة وبعدين - [00:17:42](#)
اشباك جابه من اول ما كان رضيع والقى في النهر واخدوه ورجع لامه ازاي واتربى في بيت فرعون ازاي وبعد كده قتل واحد وبعد كده هرب وبعدين راحت الاية ملتفانا وجايبيتها تاني في نفس المكان دلوقتي وهو بياخد الايه الاوامر بالنبوة والمهمة بتاعته ثم جئت على قدرى يا موسى - [00:18:02](#)

وادي انت جيت دلوقتي هنا بقدر من ربنا. مش بالصدفة مش ممكن الصورة مش ممكن. طيب احنا دلوقتي واقفين مع سيدنا موسى عند النار وهو بيكلم ربنا والحوار اخد جولة ورجعنا لورا فلاش باك وراح راجع بنا تاني. طيب - [00:18:22](#)
ثم جئت على قدرى يا موسى انت ما جتش هنا صدفة انت جيت بقدر ربنا لتنطلقى الرسالة وتحمل يعني وتحمل بعده القيام بهذه المهمة الفارقة في تاريخ البشرية. احنا قدام موقف من اكبر المواقف في تاريخ البشرية - [00:18:42](#)

واصطنعتك لنفسي عملتك علشانى ربنا صنع سيدنا موسى صناعي. يعني هو بداية تعامل ربنا مع سيدنا موسى مش من بداية النبوة. لا. ربنا صنعه على عينه من اول ما كان رضي - [00:19:00](#)

لذلك شخصية سيدنا موسى وده قلناه في اول سورة طه ايه اللي يخلي سيدنا موسى اصلا يقرر يرجع بلده وهو محكوم عليه فيها بالاعدام. ليه الا لو كان راجل شجاع مش قادر يسيب آآ امه اكتر من كده ومش قادر يسيب قومه بيضطهدوا اكتر من كده وراجع

لكن ما كانش في دماغه انه رايج يواجه فرعون بنفسه يعني. لكن الرجل شجاع. وراجع وبيخاطر فدي صناعة ربنا. واصطنتك لنفسي. عملتك علشانى. حياتك بقى ه تكون لله. لنفسي لله. للقيام - 00:19:39

الدعوة فيه ناس كتير حياتهم بتكون لله. وليس لهم هم هذا مش خاص بس بسيدنا موسى على فكرة. النبي محمد عليه الصلاة والسلام حياته كانت كلها لله. سيدنا ابراهيم ودرستنا قصته حياته كانت لله. نوح كانت حياته لله. كتير جدا - 00:19:56

وهناك دعاء وهبوا حياتهم لله. لكن سيدنا موسى ربنا صنعه صناعة. واصطنتك معناه ايه بقى معناه انه موفق انه بيشوف بنور الله بيسمع بنور الله. كل حاجة بيعملها موفق فيها. بوصوا الحديث القديسي - 00:20:10

من عادى لي ولها فقد اذنته بالحرب. ربنا بيقول ان اللي هيحاربولي من اولياته اللي يعاديه انا هحاربه طب بقى ازاي من اوليات ربنا وما تقرب لي عبدي بشيء احب الي مما افترضته عليه. نتقرب الى الله بالفرائض - 00:20:33

الفرائض اللي ربنا قال لنا عليها لما نؤديها بطريقة صحيحة وسليمة وبجمع قلب وبخشوع وبتدبر. ده اكتر حاجة ربنا بيرحبها ها طب ازاي نقرب اكتر وما زال عبدي يتقرب الي بالنواوف حتى احبه - 00:20:54

عبد يفضل يتقرب لي بالنواوف يعمل النواوف يصوم اتنين وخميس من غير ما يروح يقول للناس انا صائم ويقعد يتمنطر عليهم يروح ياه يصلي في بيته وهو قافل على نفسه مش عمال يتمنطر بصلة النافلة قدام الناس. طيب. وما زال عبدي يتقرب الي بالنواوف حتى احبه. فإذا أحببته - 00:21:14

اذا ربنا حب انسان كنت سمعه الذي يسمع به وبصره الذي يبصر به ويده التي يبسطش بها وقدمه التي يمشي بها وادا سألني لاعطينه وادا استغفرت لاغفرنه لاغفرن له وادا استعاذني لاعيذنه - 00:21:39

واصطنتك لنفسي ربنا جعله موفق وموصول بالله يرى ويسمع بنور الله ارجع كده لایة تلتاشر سورة طه وانا اخترتكم فاستمع وانا اخترتكم وهنا واصطنتك لنفسي ايه ده - 00:22:00

ازاي سيدنا موسى تحمل الكلام ده ما تارش من الفرحة انت متخيل رب العالمين يكلمبني ادم ويقول له انا اخترتكم وهنا يقول له واصطنتك لنفسي! ده لما صاحب شركة ينتقي موظفيه كويس - 00:22:20

ثم يختار منهم واحد ويعلمه ويدربه تدريب خاص عشان يوكل له المهام الصعبة ده شرف كبير ومسؤولية كبيرة اشحال بقى سيدنا موسى الحقيقة يعني يعني هذه الصورة شرفته تشريف كبير - 00:22:35

وبعدين الایة اتنين واربعين يلا الایة اتنين واربعين الساعة صفر. صدر الامر ببدء المهمة اذهب انت واخوك بآياتي ولا تنبأ في ذكري. اذهبا الى فرعون انه طفى خلاص بقى نزلت الاوامر. اطلع انت واخوك دلوقتي بالمعجزات بتاعتي بآياتي - 00:22:53

اياتي هنا معناها المعجزات اللي ربنا اداها له. الي اللي بتبقى بيضا العصاية اللي بتتقلب ثعبان. وهتعمل حاجات تانية برضو لسه دي نقطة بقى مهمة اووي. كتير بقى يخدو على الاسلام ان في خرافات في الاسلام ليه اصل عندهم حاجات مش علمية والعقل لا يقبلها بالعكس - 00:23:13

العقل يقبلها ازاي؟ دي حاجات خوارق للطبيعة صحيح العقل لا يقبل ان سيدنا موسى يقلب العصاية ثعبان. ده حقيقي. وما حصلش ان سيدنا موسى قلب عصاية تعبان عشان تبقو عارفين. ما حصلش ان سيدنا عيسى عمل اي معجزة - 00:23:33

المعجزة بيعملها ربنا بيد انبائه. خالق قوانين الطبيعة هو الذي يستطيع ان يخرق قوانين الطبيعة ده بنفهمه كده الحكم دوت. هذه المعجزات يصنعنها الله بيد انبائه. اما الانبياء نفسهم فهم بشر لا يملكون خرق قوانين الطبيعة - 00:23:47

ولا تنبأ في ذكري ما تتوانوش في ذكري. يعني ابدلوا قصاري جهدهم في ذكري. يعني خليكم متواصلين معى باستمرار. انتم رايحين دلوقتي تواجهوا فرعون خليكم متواصلين. ليه؟ الواحد طول ما هو بيذكر ربنا - 00:24:07

هو حاطط الفيشة وبيستمد قوة الكهربا مشغلاه. اول ما الواحد يقوم شادد الفيشة من الكهربا مم خلاص وقفت المكتة ما تشتدش الفيشة من الكهربا. امال ايه افضل حاطط الفيشة ازاي؟ تحط الفيشة بذكر ربنا. اياك ده احنا الطبيعة عندنا - 00:24:30

اذكار الصباح اذكار المساء بتفصي ده ذكر. بنقرا القرآن ده ذكر. بنختم الصلاة ذكر. ليه مطلوب مننا الكلام دوت؟ عشان نفضل في حالة من التواصل مستمر يستمد الطاقة دي من ربنا - [00:24:54](#)

خليكم واصلين اذها الى فرعون انه طفى. روحوا لفرعون لانه زودها طفى بمعنى الزيادة عن الحد وطفى بمعنى الزلم الشديد. فرعون بقى زودها في الزلم الشديد كمان. ادعى الالوهية كمان. اكتر من كده في سورة النازعات - [00:25:06](#)

ربنا بيقول هل اتاك حديث موسى اذ ناداه ربه بالوادي المقدس طوى اذهب الى فرعون انه طفى فقل هل لك الى ان تزكي واهديك الى ربك فتخشى فاراه الاية الكبرى اللي هي العصا. فكذب - [00:25:25](#)

شف فاراه الاية الكبرى بيجي في مخرج اختك ايه؟ العصا. فكذب وعصى. ثم ادبر يسعى فحشر يا ندى قال انا ربكم الاعلى. شوفوا المجرم مجرم ده ادعى الالوهية. وقال للناس انا ربكم الاعلى. ربنا طلب ايه من سيدنا موسى وهارون بقى؟ اقرأ معي الاية اربعة واربعين - [00:25:45](#)

فقولا له قولنا لعله يتذكر او يخشى تخيلوا واحد بيقول انا ربكم الاعلى ربنا يرسل له اتنين انبيا ويوصيهم يكلموه باللين لعله يتذكر او يخشى. اومال اللي بيحط في الارض ويقول سبحان ربى الاعلى ربنا هيعامله ازاي - [00:26:11](#)

ربنا رحيم. ربنا ودود. ربنا بيدي فرصة واتنين وتلاتة وعشرة ومية والف الامر الثاني بقى هو ان ده فيه درس للدعاء وهو الـ يبأسوا من هداية احد يعني ده واحد مدعى الوهية ويقول انا ربكم الاعلى ويقتل العيال الصغيرة حاجة مش ممكن. فربنا بيقول سيدنا موسى وهارون روحوا ادعوا للسلام - [00:26:34](#)

معقول ده ممكن يسلم يعني؟ ده يعني؟ اه ليس عليك هداهم. ولكن الله يهدي من يشاء. يبقى الدعاء لا يجب ان يبأسوا من هداية اي حد الدرس الثالث هو ان الدعوة تكون باللين - [00:27:04](#)

ولا تكون بالغلظة ولا بالفظاظة تقولا له قولنا لعله يتذكر او يخشى. زي ما قال سيدنا محمد عليه الصلاة والسلام فيما رحمة من الله لنت لهم ولو كنت فطا غليظ القلب لانفضوا من حولك. وجزاكم الله خيرا وبارك الله فيكم ونراكم غدا بازن الله. اسأل الله العلي العظيم - [00:27:22](#)

ان يجعل هذا التدبر في ميزاني وميزانكم اللهم انك تعلم ان هذه القلوب قد اجتمعت على كتابك واجتمعت على محبتك والتقت يا ربنا على طاعتك وتوحدت على دعوتك وتعاهدت على - [00:27:47](#)

نصرة شريعتك فوثق اللهم رابطتها وادم ودها واهدها سبلاها. واملأها بنورك الذي لا يخبو واسرح بفيض الایمان بك وجميل التوكل عليك واحيها بمعرفتك. وامتها على الشهادة في سبيلك انك نعم المولى ونعم النصير - [00:28:03](#)

السلام عليكم ورحمة الله ونراكم غدا بازن الله - [00:28:23](#)